


BN3-2-013



KANTIKOU

EVIT

GOUELIOU NEDELEK



KEMPER


MOULLET E TI DE KERANGAL

1909

TAOLEN

	Pajen.
1. Deut, va Zalver, va Doue.....	3
2. Ni hoc'h ador, Mabik Jezuz.....	5
3. E Bethleem eo ganet	6
4. Deomp holl, kristenien	7
5. Gant an holl Elez euzuz	9
6. Hanter noz eo l.....	10
7. Da gærik Bethleem.....	11
8. Meuleudi.....	12
9. Var ar menez.....	13
10. Messaër, Messaër.....	15
11. Mabik Jezuz	15

Ton ar pevare kantik, p. 7 (4).



(1) E eskopti Sant-Briek ez euz eun ton eun tammik dishenvel.
Merket eo var leor kantikou an Aotrou Guitterel, n° 107, p. 157.

KANTIKOU

EVIT

GOUELIOU NEDELEK

KENTA KANTIK

Var-don : Venez, divin Messie (Tonion n° 72).

DISKAN :

*Deut, va Zalver, va Doue,
Da gass peb drouk pell diouzomp ;
O guir zoursen a vue,
Deut buhan davedomp.*

Ah ! diskennit ; hastit affo ; (1)
Ni c'hortoz abaoue pell zo ;
Hon diouallit dioc'h maro.
Deut, va Zalver, va Doue,
Da gass peb drouk pell diouzomp ;
O guir zoursen a vue,
Deut buhan davedomp.

Na zale hit ket a zrouk pelloc'h ;
Ni gouez d'an daoulin dirazoc'h ;
Ni harp hon holl fizianz varnoc'h.

(1) Affo : buhan.

An ifern gant he gounnar
A zeu goassoc'h da stourm ouzomp.
Diskennit var an douar,
Deut buhan davedomp.

Hon huanad ra vo klevet :
Ar madou kaer hon euz kollet
Daoust ha ne vezint mui kavet ?
Stank e tired hon daelou ;
Va Doue, ma pardounit deomp,
E vo fin d'hon ankeniou :
Deut buhan davedomp.

Eur vech ma vefot diskennet,
Ni velo an ifern klozet ;
Hag ar baradoz digoret.
Ni c'hortoz hed an amzer ;
An Ee ho peuz graet evidomp ;
D'ho ker e rankit delc'her :
Deut buhan davedomp.

Grit ma c'hellimp holl assamblez
Kana eun deiz, en ho palez,
Hag ho kloar hag ho karantez.
Setu ar guir eursted
Zo a-viskoaz preparet deomp.
Eun errez deomp e rofet,
En eur zont davedomp.

J. B.

EIL GANTIK (1)

Var don : *Peger kaer ez eo Mam Jezuz.*

DISKAN :

*Ni hoc'h ador, Mabik Jezuz,
Mabik dons ha karantezuz,
Doue meurbed madelezuz.*

Mabik Jezuz, e kreiz an noz,
C'houi a zilez ar baradoz,
'Vit dont en hon touez henoz.

Mabik Jezuz, Doue-Bugel,
Ra vezo klouar an avel
En noz-man, en dro d'ho kavel !

Mabik Jezuz, dre an envou
Eled a gan deoc'h kantikou...
Perag 'glevan-me ho klemmou ?

Mabik Jezuz, me oar ervad
Perag e vouel ho taoulagad ?
Hor pec'hed 'ra deoc'h kalonad !

Mabik Jezuz, evit bepred
O me a dro kein d'ar pec'hed.
Va c'halon deoc'h zo gounezet.

Mabik Jezuz, hed va buez,
Me a veulo ho madelez ;
Ra varvin en ho karantez !

(1) Tennet divar *Feiz ha Breiz* koz, 23 a viz Kerzu
1876.

TREDE KANTIK (4)

(Evit an Ton : Cfr *Varia preces* Solesmes, p. 72.)

E Bethleem eo ganet, alleluia,
Jezuz hor Zalver beniget, alleluia, alleluia.

DISKAN :

*Gant laouenidigez
Meulomp oll Jezuz hor Zalver
En eur c'hantik nevez.*

Guir Vab Doue en em c'hreat den, alleluia,
A zo kousket etre daou loen, alleluia, allel.

Souezi rafac'h a dra zur, alleluia,
O velet Doue krouadur, alleluia, alleluia.

He-unan e c'houarn ar bed, alleluia,
Ha gant he vamm e vez douget, alleluia, allel.

Dont a ra 'n Elez euz an Ee, alleluia,
Da velet er c'hraou Mab Doue, alleluia, allel.

Oll en eur c'hantik dudiuz, alleluia,
E veulont a-unan Jezuz, alleluia, alleluia.

Gervel a reont ar Bastored, alleluia,
Da velet ho Zalver ganet, alleluia, alleluia.

Deuz Saba e teu tri Roue, alleluia,
Da stoui dirag ho Doue, alleluia, alleluia.

(1) *Feiz ha Breiz*, Nov.-Déc. 1902.

Da Jezuz evidomp ken paour, alleluia,
E roont ezan, myr hag aour, alleluia, allel.

Evit diskuez dre gement-ze, alleluia,
Eo guir Doue, den ha roue, alleluia, alleluia.

Mab Doue zo e guirionez, alleluia,
Mab da Vari atao guerc'hez, alleluia, alleluia.

'Vit hor prena ni pec'herien, alleluia,
Eo he-unan en em c'hreat den, alleluia, allel.

Oll eta, er gouél kaer-ma, alleluia,
Meulomp Doue heb ehana, alleluia, alleluia.

Gloar da dri Ferson an Dreinded, alleluia,
Beteg ha goude fin ar bed, alleluia, alleluia.

PEVARE KANTIK

Var don : *Jesu, Redemptor.* (Huelloc'h, p. 2.)
pe : *Jesu, dulcis memoria.*

DISKAN :

*Deomp holl, kristenien, da velet
Ar bugelik nevez-ganet ;
Guir Vab eo d'an Tad eternel,
Deomp d'hen adori 'n he gavel.*

O pebez kelou a joa !
E Bethleem 'kreiz an noz-ma,
E Bethleem eo bet ganet
Jezuz hor Zalver beniget.

Eno, gant ar Verc'hez Vari,
Eo bet ganet evidomp-ni.
Nag hen zo koant ha grasiuz !
Nag hen zo humbl ha gouzanvuz !

He gorf tener zo mailluret ;
'N eur manjouer eo gourvezet ;
Gourvezet var eun dornad foenn,
'Tre eun azen hag eun ejen.

Diskennet eo lein a druez,
Da zigas deomp ar guir vuez.
Lakomp da dalvout he c'hrassou
Prenet dre gement a boaniou.

Kanomp Nouel da Vab Doue
Henoz diskennet euz an Ee.
Holl, a-unan gant an Elez,
Meulomp, meulomp he vadelez.

A benn poent ar gommunion,
Guerc'hez, preparit va c'halon.
Pa 'z in da resco ho Mabik,
Roit d'in ho kalon birvidik.

Arak ma tenot davedoun,
Mabik Jezuz, lakit ennoun
Purete an Elez santel,
Zo en dro deoc'h stouet izel.

Ennoun c'hoaz lakit, o Jezuz,
Eur guir fizianz, eur feiz nerzuz :
Roit d'in fizianz ar Bastored
Ha feiz nerzuz ar Rouaned.

J. B.

PEMPED KANTIK

Ton : *Kasset e voue gant Doue* (Toniou n° 73).

DISKAN :

*Gant an holl Elez euz
Unanomp hor moueziou ;
Kanomp d'ar Mabik Jezuz
Hor c'haera kantikou.
Myster he. C'hinivelez
Da Zoue a ro gloar,
Ha digas a ra ivez
Ar peoc'h var an douar.*

O burzud a garantez !
Mab Doue he unan
Evit hor zilvidigez
Zo deit paour kez bihan.
Red eo e ve hon ene
Eun dra a briz huel,
P'e guir vidomp eun Doue
A zisken ken izel.

'N eur zizenti ouz Doue,
Hon tad kenta, siouaz !
Hen doa var he vugale
Tennet malheuriou braz.
Jezuz 'n he C'hinivelez
A velomp er c'hountrol
Dre nerz he zeñtidigez
Oc'h oher vad d'an holl.

Dre garet re ar madou,
An dud oa 'n em gollet.
Re stag oa ho c'halonou
Ouz an holl draoukrouet.
Jezuz 'n he C'hinivelez,
Da rei deomp eur gentel,
'Kreiz ar vrassa paourentez
A fell dezhan genel.

Azalek ma z-oc'h ganet,
Perag ive, Jezuz,
Perag ho peuz-hu choazet
Eur vuez ker poaniuz ?
Evit reideomp dagoumpren
Ne c'hell hon eneou
Nemet dre ar binijen
Tizout bro an envou.

Jezuz, me vel an daelou
Var ho pizaj tener.
Siouaz ! dre va fec'hejou
Oun bet kriz 'n ho kenver.
Sec'hit, mabik beniget,
Sec'hit ho taoulagad,
Rag, a-vremañ, d'arpec'hed
Me dro kein evit mad.

J. B.

C'HUEC'HVED KANTIK (1)

Var don : *Kavet emeuz ar peoc'h.*

Hanter noz eo ! Deut eo ar momet santel !
An Den-Doue a ziskomp davedomp.
Lemel a rai ar pec'hed orijinel ;
Kounnar he Dad vo troët divarnomp.

DISKAN :

*Gloar d'Hor Zalver ! En noz-ma ken burzuduz,
Ra vo dre holl meulet he drugarez !
Var hon daoulin, kanomp gant eur vouez perzuz :
Nouel ! Nouel da Vabik ar Verc'hez ! (bis.)*

Ra zeui, ennomp, ar feiz gant he sklerijen
Da ziskouez deomp kavel an Den-Doue,
Egiz ma oue guechall, gant eur stereden,
Beteg ennhan kasset an tri Roue.

Tud gallouduz, lorc'h ennoc'h gant ho madou,
Roue ar bed en eur c'hraou zo ganet !
Tostait outhan da glevet he genteliou,
Hag e reot fae var an holl draou krouet.

(1) Great a-nevez var batrom ar c'hantik : *Minuit ! chrétiens.* An ton gallek, ker brao gant komzou gallek, ne ia ket koulz e brezonek. Choazet zo bet eta kentoc'h eun ton all anavezet ha karet gant an holl. Ma vez c'hoant koulzkoude, e vezo gellet miret an ton gallek, gant ma vezo great poziou, koubladou eiz linen.

Gant Hor Zalver hor chadennoù zo torret ;
Bremen omp libr ; digor eo deomp an Ee.
Eleac'h beza sklavourien d'an drouk-spered,
Bremen ez omp bugale da Zoue.

Poaniomp, poaniomp da ziskouez d'ar Bugelik
Hor c'harantez, hon anaoudegez vad.
Lavaromp holl stouët dirag he graouik :
Kentoc'h mervel eget dont d'ho kuitât !

J. B.

SEIZVED KANTIK

An Adeste fideles.

Var an ton latin.

Da gærik Bethleem diredit, kristenien ;
Diredit heb dale ; sellit laouen
Roue an Elez
Ganet gant ar Verc'hez.

DISKAN :

*Deuit holl, deuit d'hen adori (bis),
Ha da ginnig dezhan mil meuleudi.*

Setu ar bastored o kuitât ho denved ;
Gant Elez davethan int bet galvet.

Davethan ivez
Redomp gant levenez.

Diskan.

Deomp eta ; ni velo Mab an Tad eternel ;
Kemeret 'neuz 'vidomp furm eur bugel.

En he vaillurou
E velimp hon Aotrou. *Diskan.*

P'e guir eo evidomp ganet er baourentez,
Holl dezhan diskouezomp hor c'harantez.

D'hor guella mignoun
'Rankomp rei hor c'haloun. *J. B.*

EIZVED KANTIK

Meuleudi.

Var don : Meulomp holl.

*Kanomp holl meuleudi }
Da Jezuz ha da Vari. } bis.*

1. Mab Doue, euz an envou,
Dre he c'hinivelez,
A zigas levenez
Ha peoc'h d'an holl galonou.
2. Guelet a reomp 'n he gichen
Jozeph hag ar Ver'ehez ;
Guelet 'reomp an Elez
En dro dezhan a vanden.
3. Ar Bastored 'zeu prestik
D'ar c'hraou d'hen adori,
Ha dezho, gant dudi,
Mari 'ziskouez he Mabik.
4. Kinnig a reont da Jezuz
Ho frezanchou dister ;
Jezuz ho digemer
Gant eur mousc'hoarz dudiu.

5. Gant an Elez beniget,
Gant Jozeph ha Mari.
Kanomp mil meuleudi
D'hor Zalver nevez-ganet.

6. Heb dale, an tri Roue,
Diredet a bell bro,
A zeu ive d'ho zro,
Da glask ar Bugel-Doue.

7. An tri Roue a ginnig,
Gant feiz ha gant doujanz
Aour ha myr hag ezanz
Da henori ar Mabik.

8. Kinnigomp d'he vadelez
Gant ezanz hor peden,
Myr eur guir binijen,
Dreist holl : aour ar garantez.

J. B.

NAVED KANTIK

Var ar Menez.

Ton : O Vierge, fontaine, rocher. (Kantik Lourd.)

Var ar menez ar Bastored,
A greiz dionall ho denvedigou,
Souden en noz sklerijennet
Ho deuz klevet e bar an envou :

Novel, Novel, Novel da Jezus. (bis)

Aberz Doue eur burzud braz
Var an douar a zo c'hoarvezet ;
Hag an Elez a respontaz :
Eur Zalver evidoc'h zo ganet.

Hag ar Bastored etrezho
An eil d'egile a lavare :
Kerzomp, brema ni a velo
Hor Zalver, hor Mestr hag hor Roue.

Selaouit oll, eme an El,
It da Vethleem, da gear David ;
Eno e kafot eur bugel
D'ezhan a greiz kalon lavarit :

En eur c'hraou digor d'an amzer,
Ha var eun tamik plouz astennet
Eno e veljont ar Zalver,
Ar bugelik nevez mailluret.

Evel ar Bastored sentuz
D'an Elez o deuz ho c'helennet,
Ni hoc'h ador, Mabik Jezuz,
Epad an nozvez-ma benniget.

Evel guechall bolz an envou,
An Iliz a zo sklerijennet ;
Kinigomp oll hor c'halonou
D'hor Mabik Jezuz muia karet.

Mabik Jezuz hor guir Zalver
Brema var an douar diskennet,
Er Zakramant euz an Aoter
Ra viot da viken adoret.

Mabik Jezuz, o diskennit
Dre nerz ho Sakramant adoret ;
Diskennit ennomp, ha mirit
Na vezimp taget gant ar pec'hed.

Pa deni eyidomp ar maro,
Hon digemerit gant karantez,
Ha da virvilken ni gano
En ho Paradoz gant an Elez. H. DU R.

DEKVED KANTIK

Messaër, Messaër.

Var don : *Berger, berger.*

Messaër, Messaër, livirit, ne velit-hu ket ? (bis)
En-eur velet ar c'hraouik dister
Va c'haloun baour a lamem em c'hreiz. } bis
Ia, setu aze ar c'hraou dister
A guz eun Doue en he greiz.
Sonj ho peuz deuz komzou an Elez ?
Hag hi oa kaer ha dudiuiz !
Int a gane : e bar an Envou gloar,
Gloar da Zoue mestr holl-c'hallouduz. (bis)

Messaër, Messaër, ia e Bethleem omp digouezet ; (bis)
Deomp buhan da velet ar Zalver } bis
A ro Doue d'he bobl direiz.
Ia setu aze ar c'hraou dister
A guz eun Doue en he greiz.
Strafullet oll oan var ar menez
Pa veliz ho dremmaou skeduz
Int a gane : ar peoc'h vo var an douar
D'an holl dud eun galoun ha sentuz. (bis) B. C.

UNNEKVED KANTIK

Mabik Jezuz.

Ton : *O Vierge, fontaine et rocher* (Kantik Lourd).

DISKAN :

Mabik Jezuz, o va c'harantez,
Renit, renit em c'halon bemdez !

Tal ho kavel, Mabik Jezuz,	Peoc'h ha levenez am bezo
Na dous eo kana gant an Elez :	Keit ma renfet, Jezuz, em c'halon ;
Gloar en Ee d'an Ol-C'hallouduz,	E va ene keit ma pado
Ha d'an dud vad peoc'h ha levenez !	Ar garantez peuz bet evidon.

'Nhor c'halonou d'ridomp gant joa!
Kenavo deoc'h, glac'har hag anken!
Peurc'hræt eo ar buzdud brassa :
Unanet eo Doue gant an deh.

An ifern a iud gant kounnar,
An douar a zrid gant levenez,
O klevet ar c'helou dispar
Kasset euz an Ee gant an Elez :

a Ganet eo deoc'h, e kar David,
Ar Zalver a c'hortozit keit-so :
Mab Doue eo, hen adorit !
Baradoz zo da neb her c'haro,

En eur c'hraouik touez al loened,
Gant lienach paour vit mallurou,
Var eun domadik plotuz kousket,
C'houi gavo Mab Doue hon Aotrou.

Kuiteet hen deuz bar an Envou
Evit savetei ar bec'herien.
'N em westlet eo d'an oll boanion
Evit prena eurusted d'an den.

'Dalek kavel kraouik Bethleem
Betek kroaz kalet menez Kalvar,
Jezuz c'houzanvo eb 'n em glem
'Vit ar bec'herien poanion dispar.

'Vo ket peadra kement-ze
'Vit diskuez d'an dud he garantez ;
Korf, goad, ene, divinite
'N em roi dezho da yagadurez !

Var he aoterion, deiz ha noz,
Kuzet dindan ar spes a vara
Jommo bepred euz ho gortoz :
Genel 'n ho c'halon-vo he oll joa !

Evit eur garantez ker braz
Penez diskuez hon anaoudegez ?
En Ee, Jezuz, ho karimp c'hoaz :
Anez ve ber kant mil bloaz buez.

Da ginnig deoc'h 'vel donezon
N'or beuz aour, ezanz na myr ive.
N'hellomp kiñpig met hor c'halon ;
He digemerit, o va Doue !

Sionaz ! hor c'halonik zo paour,
'Vel kraouik Bethleem diranvet ;
Mez bolontez vad a dalv aour
Da neb a fell dezhan ho karet.

Plijet ganeoc'h, Mabik Jezuz,
Ober eun aoter deuz hor c'halon ;
Tost deoc'h hebken ez omp euzuz,
'Vel n'oa biskoaz rone var he drou.

Rag neuze kreiz hon oll boanion,
Ni gan velato gant levenez :
Na dous eo karet hon Aotrou,
Evel m'her c'har en Ee an Elez !

Ja sur, deoc'hui, Mabik Jezuz,
Ni fell deomp oll beza da viken !
Kenavo ta did, bed trompluz !
Da Jezuz omp, da Jezuz hebken.

Da Jezuz omp braz ha bihan.
He c'houe liemeñnou dous ha san,
A heullimp bepred er bed-man tel
Hag hor bo baradoz eternel.

Eno e tal ho tron, Jezuz,
'Kanimp da viken gant an Elez :
Gloar, enor d'an Oll-C'hallouduz,
Ha d'an dud vad peoc'h halevenez !

H. L.

Imprimatur :

Corisopiti, die 14 Novembris 1908.

A. COGNEAU, Vic. gén.